



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

4. Gallicani, Alexij, Calybitæ, Paulini, Paulæ, & Pam[m]achij voluntaria
paupertas.

urn:nbn:de:hbz:466:1-45699

dignitatis? fac, quod fecerunt Apostoli: Vende omnia, quae habes, & da pauperibus, & sequere Salvatorem, ut nudam solamq; crucem nuda sequaris & sola. Non vis esse perfecta, sed secundum vis tenere gradum virientis? dimitte omnia quaecumq; habes, da filiis, da propinquis. Hoc Hedibia suavit S. Pater, illud S. Spiritus S. Marcellae persuasit.

IV.

Sub idem tempus Gallicanus Constantiae sponsus, & Constantini Magni gener destinatus, ac Romanus Consul, amore Christi Servatoris, mundo nuncium remisit, relictisque omnibus, ad Ostia Tiberina, hospitale aedificavit, in quo ipse pauper pauperibus & aegris serviebat: utque altiore coronam mereretur, postea à Iuliano Apostata occisus, paupertatis studium martyrij laudate condecoravit. Quae eloquentia satis laudaverit Alexium Euphemiani senatoris filium? qui Romae sub Honorio Imperatore, patricius sanguis, indolem, ingenium, opes, iuventutem, virtutem cum nobilitate coniunxit, honestissimo insuper connubio beatus, sponte tamen ipsam etiam sponsam intactam primam nuptiarum nocte, omnia reliquit; atque ita reliquit, ut distributis, quae habebat, in pauperes, de die in diem viveret; &, post septemdecim annos in Syria consumptos, in patria exularet, inter notos ignotus, in suis opibus inops, domi non domi, servorumque suorum ludibrium; parentibus tandem venerandus, mundo admirandus, aequalibus imitandus. Nam & Ioannes Calybita, Romae sub Imperatore Leone, in paternae domus angulo pauper latitavit, nec ante mortem à parentibus est agnitus, in quo itidem virginitas & paupertas de palma certaverunt. Sed his etiam annumerandus, ob paupertatis amorem, S. Paulinus, ex Consule Romano monachus, tandemque creatus Episcopus Nolanus. In primis autem D. Hieronymus, qui cum S. Paula in Bethlehem secessit, secumque traxit magnam nobilitatem Romanam, quae paupertatem insigniter nobilitavit. Cuius S. Paula admodum fuit studiosa, atque omnes fortunas suas, quae erant amplissimae, ita in egenos distribuit, ut neque obolum sibi relinqueret, & in aliena sudone sepeliri peroptaret: quod & evenit, nam aliena veste, sua virtute tecta, est sepulta. Matrem secuta est filia Eustochium, & ceterae. Quin & gener Pammachius, qui itidem Consul Romanus, fascibus depositis monasticen amplexus est, domumque suam in Ecclesiam convertit, quae

Petrus in Ca-
tal. l. 6. c. 107.
Sur. 17. Iulij.

Nirephor.
lib. 15. hist. c.
23.
Sur. 15. Ian.

et, quæ etiamnum titulo S. Pammachij inscripta visitur, & nuncupatur S. Ioannis & Pauli. Hunc idem, qui amore paupertatis inflammavit, S. Hieronymus dignis etiam laudibus extulit. *Nobis, inquit, post dormitionem somnumq; Paulina (vxoꝝis Pammachij) Pammachium monachum Ecclesia peperit Posthumum, & patris & coningis nobilitate patritium, elemosynis dititem, humilitate sublimem. Et paulo post: Quis hoc crederet, ut consulum pronepos, & Flaviani germinis decus, inter purpuras senatorum furua tunica pullatus incederet, & non erubesceret oculos sodalium, ut deridantes se derideret? Luccet margaritum in sordibus, & fulgur gemma purissima etiam in luto radiat. Ac rursus: Nunc omnes Christi Ecclesia Pammachium loquuntur, miratur orbis pauperem, quem hucusque diuitem nesciebat, &c. Parua dimisimus, & grandia possidemus. Centuplicato fænore Christi promissa redduntur. Hæc Romani fecere: & pluribus verbis in Pammachio S. Pater prædicavit.*

S Hieron. ep̃
ad Pamma-
chium.

Quantum amata sit paupertas à Ioanne Eleemosynario, vel è paucis ostendam. Audierat quidam opulentus & liberalis dominus, eum exiguis admodum ac vilibus operimentis in cellula sua vti, reiꝝque experiendæ causâ in rem præsentem venit. Vbi vidit lodicem & vetustam, & scissuris laceratam, aliam ei triginta sex nummis emtam misit, rogitans etiam atque etiam, ut ea in mitentis memoriam vteretur. Accepit munus cum actione gratiarum, & vnica nocte se melius tegens, peius dormiuit. Nam ea tota nocte, qui ei à cubiculis erant, audiebant eum ica secum loquentem. *Quis dicit, quod humilis Ioannes (habebat enim semper verbum istud in ore) pallio triginta sex numismatum tegatur, & fræres Christi frigore necentur? Quanti sunt modò, qui dentibus strident præ glacie? quanti sunt modò qui psathum (tegetem siue storcam ex iunco aut papyro confectâ, qua pro lecto & stragulo utebantur monachi Ægyptiaci) habentes, subter dimidium, & supra dimidiũ & non possunt extendere pedes suos, sed dormiunt, ut glomus, trementes? Quanti in monte dormierunt incænatî, & sine lucerna, habentes duplicem cruciatum, sam ex frigore, quam ex ieiunio? Quanti desiderant saturari de folijs olerum, qua prociuntur de coquina mea? Quanti velent tingere panem suum in Zemate, (id est, fermento, aut fæce, vel iactura aquarum in qua carnes sunt coctæ) quod prociunt coquũ*

V.
Leontius in
vita Io. Eleemosynarij,
cap. 20.

mei R